



Kalaallit Airports Holding A/S
Aqqusinersuaq 48B
Box 2000
3900 Nuuk

Att.: Morten Thrane Leth

Ilulissat mittarfiata allineqarneranut atatillugu hangarilornermut ASN- imut nalunaarutip qimerloorneqarnerani aalajangiineq

Allakkap ullua: 27-10-2023
Suliap normua.: 2023 - 7481
Allagaatip ilisamaataa: 23554846

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup (Naalakkersuisoqarfik), 27. juuli 2023-mi ASN-imut tunngatillugu suliassap, "Ilulissani mittarfik nutaaq", ASN-imut nalunaarummi¹ § 5, imm. 2 naapertorlugu allangortinneqarnera pillugu nalunaarut Kalaallit Airports Holding A/S-imiit tiguaa.

Postboks 1614
3900 Nuuk
Oqarasuaat.: (+299) 34 50 00
Fax: (+299) 34 54 10
E-mail: pan@nanaoq.gl
www.naalakkersuisut.gl

Suliassap allangorneranut nalunaarut Ilulissat mittarfiani alliliinermi hangarilornermut tunngasuvoq.

Tunngavigisaq

Ilulissani mittarfilornermut ASN-imut nassuiaammi allassimavoq, mittarfiup nutaap 2.200 meteriusup sananeqarnerata saniatigut terminaleqarfimmik tassunga atasumik sanasoqassasoq. Terminaleqarfimmi terminalip illutaa, illu kiffartuussivik, hangareqarfik aamma biilit unittarfii sananeqassapput. Terminaleqarfiup avannamut kitaani timmisartunut napasuliaq sananeqassaaq. Allaaserineqarpoq, hangarinik marlunnik, annerpaamik 16 m-inik aamma 20 m-inik portussusilinnik sanasoqassasoq. Kiisalu ASN-imut nassuiaammi allassimavoq, mittarfimmi pioreersumi maanna timmisartut unittarfii hangarillu pioreersut atatiinnarneqassasut, taamaalillunilu timmisartut minnerit sanaartukkanik pioreersunik atuiinnarsinnaassasut.

Mittarfiliassamut ASN-ip Naalakkersuisuniit akuerineqarnerata kingorna Air Greenland aamma KAIR suleqatigiillutik mittarfimmi hangarip qanoq sananeqarnissaa pillugu teknikkimut nassuiaat aalajangersarpaat. Taanna tunngavigalugu KAIR-ip Ilulissani mittarfiup sananeqarnerani hangarilornermut atatillugu suliassamut allannguut nalunaarutigaa.

Tassalu nalunaarut malillugu hangariliassap imatut sananeqarnissaa pilersaarutaavoq:

- Hangari nutaaq (hangari 1) quleriittut ataasiinnartut, timmisartumut Airbus A320-200-mut inissaqartitsiviusutut sananeqartussaq.

¹ Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-imeersoq

Nunaminertaq illuliorfiusoq 2.000 m²-it missaannik annertussuseqassaaq, 18 m-inillu portussuseqassalluni.

- Illup akunnermuliuttussap ilaa ininik marlunnik quleriinnik portussuseqarpoq. Nunaminertaq illuliorfiusoq 600 m²-it missaannik annertussuseqassaaq, 9 m-inillu portussuseqassalluni.
- Hangari ataaseq (hangari 2) quleriittut ataasiinnartut, qulimiguulinnut H225-nut marlunnut imaluunniit timmisartumut Dash 8-mut inissaqartitsiviusutut sananeqartussaq. Hangari taanna hangarimit pioreersumit, maanna mittarfiusumi inissisimasumit sanaqqitaassaaq. Hangarip piiarneqarnissaa aammalu mittarfimmi nutaamik nappaqqinneqarnissaa pilersaarutaavoq. Nunaminertaq hangariliorfiusoq 1.000 m²-it missaannik annertussuseqassaaq, 14 m-inillu portussuseqassalluni.

Hangariliornermi timmisartut suluusallit qulimiguullilluunniit hangarit illutaannut oqorsakkanut kiassakkanullu eqqunneqarsinnaanissaat siunertaavoq, tassanilu misissorneqartassapput pisariaqarpallu iluarsanneqartassallutik.

Hangariliorfissat inissisimaffissaa, ASN-imut nassuiaammi paasissutissatut saqqummiunneqartunut naapertuupput. Hangarit timmisartoqarfimmi, mittarfiup isumannaallisaanermut ungaluisa iluanniittumi sananeqassapput, taamaalillunilu illut taamaallaat mittarfimmi isumannaallisaanermik misissuisoqareernerani aatsaat tikiinneqarsinnaassapput.

Nalunaaruteqarnermut Ilulissat mittarfiata sananeqarneranut ASN-imut akuersissummi piomasagaatit allassimasut tamarmik hangariliornissamut suliamut ilanngunneqarsimanerat, aammalu ASN-imut akuersissummut piomasagaatit tamarmik hangariliornissamut suliami sanaartornermut ingerlatsinermullu atuuttussaanagerat aallaavigineqarpoq.

Aalajangiineq

Hangariliornermut tunngatillugu suliassamik allanngiineq ASN-imut nalunaarut naapertorlugi ASN-iliortussaataitaanermik kinguneqanngilaq.

Aalajangiinermit tunngavilersuut

KAIR-imiit ASN-imut tunngatillugu suliassap, “Ilulissani mittarfik nutaaq”, allannguutissaanut nalunaarut qimerloorneqarpoq, suliassap allannguutaasa avatangiisinut sunniutissaattut naatsorsuutigisat naliliiffiginiarlugit.

Mittarfiliorneq sanaartugaavoq ASN-imut akuersissuteqarfiusoq, taamaattumillu ASN-imut malittarisassat naapertorlugit suliamik allanngortitsisoqassappat, suliami allannguutit imminermi ASN-iliortussaataitaaffiunersut naliliiffiginiarlugit nalunaarutigineqartussaapput, tak. ASN-imut nalunaarummi § 5, imm. 2.

Hangariliassaq suliaqarfiusussap, ASN-imut nassuiaammi suliarineqartup iluaniittussaavoq, taannalu ASN-imut akuersissummi maleruagassiuunneqarpoq.

Naalackersuisoqarfiup aalajangiinermini hangarit marluk taakkulu akornanni illuliassaq nunami teknikkikkut aalajangersaaffiusumi, mittarfittaassap saniani illup kiffartuussivissap avannaata tungaani inissisimareernerat pingaartippaa. Tassalu hangariliornermi suliaassaq isikkumigut assingussaaq, aammalu mittarfiliornermi tamarmiusumi teknikkimut atortunut ilaalissalluni. Kiisalu naliliisoqarpoq, hangariliornermi suliaassap tamarmiusup isikkussaa nunap mittarfiliorfiusup tamarmiusup isikkuanut naleqqiullugu killilimmik sunniuteqartussaasoq.

Nalunaaruteqarnermi najoqqutassat avatangiisinullu naliliinerit tassunga tunngatillugu suliarineqartut, avatangiisinut naliliinernut, ASN-imut nassuiaammi suliarineqartunut sanilliunneqarnerat tunngavigalugit, Naalackersuisoqarfik nalilivoq, suliaassamut allannguutissaq avatangiisinut qulequttamut, *nuna*, avatangiisinulluunniit qulequttanut allanut (taakkununga naasut uumasullu, nipiliorneq, silaannarmik mingutsitsineq, silap pissusia il.il.) tunngatillugu avatangiisinut annertuumik sunniuteqarfiussanngitsoq.

Tassalu suliaassamut allannguutissaq, matuma siuliani tunngavilersuutit tunngavigalugit avatangiisinut sunniutinik annertuumik nassataqartussaanninnami, ASN-imut nalunaarut naapertorlugu ASN-iliortussaataffaunngilaq.

Tamanut saqqummiussineq aamma naammagittaalliornissamut ilitsersuut ASN-imut nalunaarummi §§ 22 aamma 23 naapertorlugit Nunalerinermut, Imminut Pilersornermut, Nukissiutinut Avatangiisinullu Naalackersuisup aalajangiineq Namminersorlutik Oqartussat nittartagaanni www.naalackersuisut.gl kiisalu nuna tamakkerlugu najukkanilu tusagassiutini tamanut saqqummiutissavaa.

Aalajangiineq avatangiisinik allanngutsaaliuinermit inatsimmi² § 60, imm. 1 naapertorlugu Avatangiisinik Illersuinissaq pillugu Maalaaruteqartarfimmu, ASN-imut nalunaarummi § 33 naapertorlugu Naalackersuisunit pilersinneqartumut maalaarutigineqarsinnaavoq.

Avatangiisinik allanngutsaaliuinermit inatsimmi § 60, imm. 2 naapertorlugu maalaaruteqarnissamut pisinnaatitaaffeqarput:

- Aalajangiiffigisaasoq
- Nakorsaaneqarfik
- Kikkulluunniit suliap inerneqarneranut ataasiakkaarlutik imaluunniit annertuumik soqutigisaqartutut ilimagineqartariaqartut
- Peqatigiiffiit kattuffiillu, malittarisassanik malillugit sukisaarsaarnermut, avatangiisinut pinngortitamullu soqutigisanik annertuumik isumaginninnissamik siunertaqartut

² Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

Avatangiisinik allanngutsaaliuinnermut inatsimmi § 60, imm. 3 naapertorlugu maalaaruteqarnissamut piffissaliusseq sapaatit akunnerinik arfinilinnik sivisussuseqarpoq, ullormit aalajangiiffiusumit naatsorsorlugu.

Maalaarutaasinnaasut uunga nassiunneqassapput:

Nunalerinnermut, Imminut Pilersornermut, Nukissiutitut Avatangiisinullu
Naalackersuisoqarfik
Imaneq 1A
Postboks 1614
3900 Nuuk
E-mail: pan@nanoq.gl

Tamatuma kingorna Naalackersuisoqarfiup maalaarut najoqqutassanik, suliap naliliiffigineqarneranut ilaatinneqartunik ilaqartillugu Avatangiisinik Illersuineq pillugu Maalaaruteqartarfirmut nassiutissavaa. Tamatuma peqatigisaanik suliami akuusut suliami maalaarummik tigusaqartoqarnera pillugu ilisimatinneqassapput.

Maalaaruteqartarfiup aalajangiineri allaffissornikkut oqartussaasunut allanut ingerlateqqinneqarsinnaanngillat, tak. Avatangiisinik allanngutsaaliuinnermut inatsimmi § 60, imm. 4.

Avatangiisinik allanngutsaaliuinnermut inatsimmi § 63, imm. 1 naapertorlugu inuit tamat maalaarutaat piffissami Avatangiisinik Illersuineq pillugu Maalaaruteqartarfiup maalaarutaasinnaasunik suliaqarfiani atuuttusanngortitsisinnaanngillat, tamatumani Naalackersuisut allamik aalajangiinngippata.

Piffissap maalaaruteqarfiusussap naanissaa sioqqullugu illuliassat sanaartugassallu aallartinneqassanngillat, tak. Avatangiisinik allanngutsaaliuinnermut inatsimmi § 64, imm. 1.

Aalajangiinerup nalunaarutigineqarneraniit qaammatit arfinillit qaangiutsinnagit aalajangiineq eqqartuussivimmuut suliakkiissutigineqarsinnaavoq, tak. Avatangiisinik allanngutsaaliuinnermut inatsimmi § 65.

Inussiarnersumik inuulluaqqusillunga



Natuk Lund Olsen
Naalackersuisoqarfimmi pisortaaneq
Nunalerinnermut, Imminut Pilersornermut, Nukissiutitut Avatangiisinullu
Naalackersuisoqarfik